

12 SEP 2003

Bajet-Rokok

CUKAI ROKOK DINAIKKAN BAGI MENGGALAKKAN GAYA HIDUP SIHAT

KUALA LUMPUR, 12 Sept (Bernama) -- Duti import dan eksais ke atas rokok dan lain-lain keluaran tembakau dinaikkan sebanyak 20 peratus dalam usaha kerajaan menggalakkan gaya hidup sihat dan membendung gejala sosial akibat ketagihannya di kalangan rakyat.

Perdana Menteri Datuk Seri Dr Mahathir Mohamad berkata kenaikan yang dicadangkan itu masing-masing daripada RM216 kepada RM259 sekilogram dan daripada RM48 kepada RM58 sekilogram.

Cadangan ini berkuatkuasa mulai 4 petang hari ini.

"Peningkatan duti ke atas rokok adalah selaras dengan cadangan Pertubuhan Kesihatan Sedunia (WHO) untuk mengawal penggunaan rokok," katanya ketika membentangkan Bajet 2004 di Parlimen di sini.

Untuk membanteras penyeludupan ke atas rokok, kata Dr Mahathir, kerajaan sedang melaksanakan penggunaan pelekat khas atau banderol serta dakwat keselamatan bagi memastikan rokok yang dijual bukan rokok yang diseludup.

-- BERNAMA

AHH AHH MOZ